

- 1 اور-ٿٽوت عيلمودن-ينو... هان راد-اک-زايدين عوستان د-يسگاسن، سهٽون تودرت-نک. عيمرواسن 2-1:3
- 2 اوال-نک عيگا لقنديل عي-يضارن-ينو، عيگا تيفاوت عي-وغاراس-ينو. عيموريگن 105:119
- 3 سيدي رٻي عيگا واد عيسووفان عيواليون-نس، ار-بدا-يسڪار س-لحنانت-نس عيزگان. عيموريگن 13:145
- 4 اوال-نک ا-غ-ن-رجيغ ا-سيدي رٻي، قلغ ا-ٻي-تعاونت. عيموريگن 5:130
- 5 رٻي واحدوت ا-يگان اجاريف-ينو، عيگا ليرج، عيگا انتال-ينو، عور-سار-موسيف. عيموريگن 2:62
- 6 سيدي رٻي ا-را-يجنجم ويلې صلاحين، عيگا-اسن انتال لامان غ-تيزي ن-تنوڪموت. عيموريگن 39:37
- 7 اد-ور-تيڪساسخت ا-تاويت ماريام ا-تگ تامغارت-نک... را-تارو يان-واراو، تگت-اس عيسم «ياسوع» اشڪو را-يجنجم مدن-نس زغ-دَنوب-نسن. ماتا 21-20:1
- 8 ار-تالغن رٻي... ڪرايڪاٽ اس ار-اسن-يتراياد سيديتنغ غويلي نجمين. عيرقاسن 47:2
- 9 الغات سيدي رٻي اشڪو نٿان ا-يفولڪين، ار-بدا-يسڪار س-لحنانت-نس عيزگان. عيموريگن 1:107
- 10 عيما ڪوٽي عيلا فلاون ا-تفولڪيم س-وفولڪي عيڪملن، غمڪلي ڪولو عيفولڪي باباتون ن-يگنا. ماتا 48:5
- 11 يان عيفولڪين، ار-د-يسوفوغ ما-يفولڪين زغ-لخزين ن-وفولڪي لي-يسمون غ-وول-نس. لوقا 45:6
- 12 بابا رٻي ا-دار اوال ا-يسڪار عوستان د-يزماز. عيرقاسن 7:1
- 13 غ-ور-تالولن عيدرارن عولا تسڪرت اڪال تگيت-ٿين بدا تگيت رٻي، را-تگت رٻي ديمما. عيموريگن 2:90
- 14 ڪٻي ا-غ-ومن عيد-باباتنغ، تفوگوت-تن-د غمڪلي ٿيڪ عومن. عيموريگن 4:22
- 15 را-دي-تسيگيلم رٻي سيديتون. س-صاحت را-تي-تافم عيغ-ا-تي-تسيگيلم زغ-ٿمي ن-يخف-نون د-ٿمي ن-وول-نون. تينباضين 29:4
- 16 [ عينا سيدي رٻي: ] هاتي عور-تا-ٻي-غرين، ار-اد-اسن-جاويع، سول ا-ساوالن، سفلدغ-اسن. عيشاعياه 24:65
- 17 ار-نتال اوال-نغ ار-نتالغ رٻي، ار-اس-نتيرير س-تالغاتين ن-لفرح. عيموريگن 4:42
- 18 عيواليون-اد لي-ف-ڪ-وصاغ غاساد، حضو-تن غ-وول-نڪ، ار-تن-بدا-تسلماوت عي-تاروا-نک. تينباضين 7-6:6
- 19 [ عينا سيدي رٻي: ] را-تن-نغ غ-لامان لي-ژوژن. عيموريگن 5:12
- 20 عيسانات غيلاد عيزد رٻي سيديتون ا-يگان رٻي ن-صاحت، عيگا رٻي دا-يزگان غ-واوال-نس. تينباضين 9:7
- 21 هاي-اوال ن-رٻي... عيمساد عوگار ن-تاژيت... ار-يتي غ-وگنس ن-بنادم... ار-يسبايان نيت ن-وول عولا ما-يقصاد. عيعرين 12:4
- 22 ار-سفليدنت-وولي-نو س-واوال-ينو... عور-را-سار-ٿهلڪنت، عور-راد-ٻي-تنت-يگس يان زغ-وفوس-ينو. يوحنا 28-27:10
- 23 عيما سيديتنغ عيقاما بدا غ-واوال-نس، را-ڪن-يسدوس عيسنتال-ڪن زغ-والي يخنش. 2 تاسالونيڪي 3:3
- 24 امزلاي، امزلاي، امزلاي ا-يگا سيدي رٻي لي-يحاڪامن ڪولو ما-يلان. عيگا-ٿين عيلا، ييلي، را-بدا-ييلي. انورزم 8:4
- 25 [ عينا سيدي رٻي: ] غونشڪ لي-اٿووين عيگنوان ف-واڪال ا-س-اٿووين عيسڪيرن-ينو ف-وينون، اٿووين عولا عيسوينگيمن-ينو ف-وينون. عيشاعياه 9:55
- 26 سلامت-ينو ايد-اون-فڪيغ. عور-را-تيزضار ڏونيت اد-اون-ٻي-تفڪ غمڪلي-اون-ٽ-فڪيغ نڪي. يوحنا 27:14
- 27 اور-تيريم ڏونيت عولا ڪرا عيلان غ-ڏونيت... ار-تزراي ڏونيت عولا ڪولو ما-گيس-تيرين مدن، عيما يان عيسڪارن س-ما-يرا رٻي، را-يدر تودرت عيدومن. 1 يوحنا 2: 15 ، 17
- 28 سيدي رٻي عيگا واد عيتحتون ار-يترحام. عور-ا-يزراب ا-يعضب، تيگات دارس تايري عيزگان. عيموريگن 8:145
- 29 تحنوت عي-نڪراتون غمڪلي ٿيگن تحنوغ. يوحنا 12:15
- 30 ماخ ايليغ تڪسومض؟ عيس-ور-تومينم؟ ماتا 26:8
- 31 ها-ٻي عومنغ. مايان ا-ف-ساولغ. 2 ڪورينٿوس 13:4



- 1 هاتي تازاآيت ن-يان عيرضان ربي ار-دي-تاوي کيگان .  
يعقوب 16:5
- 2 کشم س-تحانوت-نک تقنت تيفلوت، تَزالت عي-باباک لِي-ينتَلن . را-ک-بيارک باباک لِي-يُزَران ما-ينتَلن .  
ماتا 6:6
- 3 سيدي ربي عيفولکي باهرا . ار-بدا-يسکار س-لحنانت-نس عيزگان . تلا بدا تايري-نس ف-کرایکات تاسوت .  
عيموريگن 5:100
- 4 هاتي يوفو-ولمود ن-سيدي ربي، ار-بدا-يسدوس عول-نغ .  
عيموريگن 7:19
- 5 عيلا فلاون ا-تگم ويد سکارنين س-واوال ن-ربي، عورد ويد سفليدينين عوگان .  
يعقوب 22:1
- 6 وانا ياغ عيريفي، عيزصار ا-د-ياشک، عيسو زغ-وامان ن-تودرت، کولو وانا ايران، بلا عيفکا يات .  
انورم 17:22
- 7 عيما غويلي عيتيرين ربي عيرغا-ياسن-د غمکلي عيقصاد، نسن عيس-ا-ياسن-يسکار افولکي غ-کولو  
ماد-اسن-يجرون .  
روما 28:8
- 8 وا عول-ينو، ماخ ا-کي-تاغ-تگوشي؟ ماخ ايلغ تغوفيت غ-وگنس-ينو؟ رجون غيلاد غ-ربي، اشکو  
را-د-اس-داغ-تحماد غ .  
عيموريگن 5:42
- 9 اد-ور-تيني: «راد-رارغ ف-لحُشانت لِي-ي-يتياوسکارن» والايني قل س-سيدي ربي، را-ک-يجنجم .  
عيموراسن 22:20
- 10 سلامت ا-غ-راد-کُغ، ياوي-ي-بيطس، اشکو کيبن ا-سيدي ربي اد-ي-يگان غ-وسونفو لامان .  
عيموريگن 8:4
- 11 سلامت ن-ربي لِي-يوگرن عيسوينگيمن ن-بنادم، را-تگابل عول-نون عولا لعافل-نون غ-تامونت ن-لماسيح ياسوع .  
فيلبي 7:4
- 12 ادجات سلامت ن-لماسيح ا-تمالا عي-وولاون-نون کولو ما-کيگون-يرا .  
کولوسي 15:3
- 13 يان دار تاحکيمت لِي-د-يگان عيگتا، غمکاد ا-را-يگ . امزوارو عيغوس-وول-نس، ييري سلامت .  
يعقوب 17:3
- 14 ا-ييلي لماجد عي-ربي غ-تاتوويت، تيلي سلامت عي-ويلي-ف-يرضا غ-دونيت .  
لوقا 14:2
- 15 غمکاد ا-س-کينغ-يحتا ربي، عيسکر سلامت غ-کراتغ ديدس، عيفک-اغ لورت ن-تودرت عيدومن لِي-ن-نرجا  
غيلاد .  
تيطوس 7:3
- 16 [ عينا سيدي ربي: ] «ا-تيلي تيفاوت» س-تلا تيفاوت . عيزر ربي عيس-تفولکي تيفاوت . عييضو ربي تيفاوت  
د-تيلاس .  
عيسيزور 3:1
- 17 اشکات-د ا-نفتو غ-تيفاوت ن-سيدي ربي .  
عيشاعياه 5:2
- 18 توريم تکشم س-تيفاوت ن-سيديتغ . سکارات غمکلي-د-يقان ايت-تيفاوت .  
افسوس 8:5
- 19 غمکاد ا-س-د-يقان تيفاوت-نون ا-تيسفيو غ-لگدام ن-مدن، باش اد-ژرن افولکي لِي-تسکارم الغن باباتون  
لِي-يلان غ-يگتا .  
ماتا 16:5
- 20 عورد اغروم کا-س-ا-يتدر بنادم، والايني س-کرایکات اوال نا-د-يوشکان زغ-دار ربي .  
ماتا 4:4
- 21 سيدي ربي ار-يسکار افولکي عي-کولو ما-يلان، ار-يتحنو ف-کولو ما-يخلق .  
عيموريگن 9:145
- 22 ربي واحدوت اد-دار-سيگيلغ اسونفو، د-نتان ا-غ-ن-کينغ رجا .  
عيموريگن 5:62
- 23 ضالبات ربي راد-اون-يفک، سيگلات دارس را-تافم، سّضوقرات-ن سرس راد-اون-يرزم .  
ماتا 7:7
- 24 اويات-ست غيلاد غ-يخف-نون، تاويم-ت عولا غ-توروت کولو... تکسم امانگار ن-ربي لِي-يسغا  
س-يدامن-نس .  
عيرقاسن 28:20
- 25 اور-تاسيم تاغوفت عي-تودرت-نون... لهووات زوار س-تگلدت ن-ربي س-اون-يزوويد کولو تيغاوسيوين-ان  
ياضني .  
لوقا 12:31
- 26 عيمبارکين اد-گان غويلي تصبارنين، اشکو نتنن ا-را-يشکشم ربي س-کولو تيمبخار-نس .  
ماتا 5:5
- 27 نکي-اد-يگان ربي سيدک، ها-ي-يومرغ-اک غ-وفوس افا سي عينيغ-اک: «اد-ور-تيکساخست . را-ک-عاونغ.»  
عيشاعياه 13:41
- 28 عيس-تزار-تمغارت عيشنگين ا-تو ازان-نس؟ عيس-ور-ا-تحنو غ-واراؤ ن-واحليک-نس؟ عيغ-اک-تي-تو نئات،  
عور-را-کم-توغ نکي .  
عيشاعياه 15:49
- 29 حناغ کيون س-لحنانت عيدومن، سافوغ-اون تايري-نو عيزگان .  
عيرمياه 3:31



- 1 راد-یتین ٲیکنوان د-واکال، والایتی ٲور-سار-یتین ٲیوالیون-ینو. 35:24 مائا
- 2 حَضِیغ اوال-نک غ-وول-ینو اور-سکرغ کرا یُخشن غ-یُزری-نک. ار-کی-تالغ ا-سیدی ربِّي. زاید تَسلمدت-یِّي تینباضین-نک. 119:11-12 ٲموریکن
- 3 یُغزان دار بنادم کوْلو ما-یقصاد د-یخف-نس، ٲیما سیدی ربِّي ار-یتوزان نیت ن-وول. 2:21 ٲیمرواسن
- 4 ای-اخدَام ٲیفلکین ٲیصلاحن، تسکرت ما-ک-ید-یقان س-مایلی ٲیدروسن. ٲیما غیلاد راد-فلغ غ-ووفوس-نک ما-یگوتن. 21:25 مائا
- 5 کوْلو ما-تقصادت، سوانکُم غ-سیدی ربِّي، س-اک-یسنم تیغاراسین-نک. 6:3 ٲیمرواسن
- 6 راد-اون-تیکات صابت ن-ووفولکی لِي-کُیگون-یسکار یاسوع لماسیح، ٲیان کُیگون لماجد ن-ربِّي، الغن-ت مدَن ف-سَبیت-نون. 11:1 فیلیپی
- 7 اشکات د-سری، ا-کوْلو ویلی کاتنین تامارا اسین تاژایت ٲیشقان، سونفوغ-اون... تافم کُیگی اسونفو ٲی-یخف-نون. 28:11 مائا
- 8 قامان کُیس باهرا، اشکو ٲیژرا تامارا د-تاغوفت لِي-غ-لان زوند ٲوْلې بلا امکسا. 9:9 مائا
- 9 را-ٲیفل تزا ن-ید-مراو د-تزا یاضنی فردنت غ-لخلا، ٲیدو ار-یسیکیل س-تالې ٲیجلان ارد-ست-یاف. 15:4 لوقا
- 10 راد-سرسنت-سیکلیغ، جَنجم-تنت د-زغ-کوْلو ٲیلغ مزنرت غ-ووسان ن-یمدلا لاسنین. 34:12 ٲیحازقیال
- 11 اوال-نس اس-اسفلیدنت-وولې. ار-ن-یاقرا س-تیلې کانین تینس، کرایکات یات س-یسم-نس. 10:3 یوحنا
- 12 راد-ادرغ ٲسم-نس غ-دار بابا ربِّي ٲولا لملایکا-نس، ٲینغ فلاس ٲیزد وینو ا-یگا. 3:5 انورژم
- 13 فرحات ف-سَبیت ن-ما-تیاران ٲسماون-نون غ-یکتا. 10:20 لوقا
- 14 ٲغ-ورد سیدی ربِّي ا-یتون تیکمې، بلا لفایدت ا-تنهاتافن ٲیتان-نس. 127:1 ٲموریکن
- 15 ها-یِّي راد-بیدغ ف-وگادیر، ضوفغ غ-یگی ن-لبرج، ار-تمنادغ اد-یسانغ ما-را-یِّي د-ینی سیدی ربِّي. 2:1 حاباقوق
- 16 سنغ ماد-نواغ ف-سَبیت-نون، قصادغ کُیون ما-ٲیفلکین ٲورد ما-یُخشن، ف-اد-اون-فکغ رجا ٲیصحن غ-ما-راد-اون-ییلی. 11:29 ٲیرمیه
- 17 ک-ن اغاراس-نک غ-کُر ٲیفاسن ن-سیدی ربِّي، تامنت کُیس د-نتان ار-ات-یکمل. 37:5 ٲموریکن
- 18 لیغ ا-نرجو غ-مایلی ٲور-تا-نُری، هاتی ار-سرس-نتقل نزکا غ-رجا ارد-اغ-ییلی. 8:25 روما
- 19 زرییات تودرت-نون بلا-دا-تُوتوم ٲیقاریدن، تقنوم س-ونشک نا-دارون-یلان. اشکو ٲیتا ربِّي: «ٲور-سار-ک-ین-فلغ ٲولا ورِیغ-د-فلاک.» 13:5 ٲیرمین
- 20 لمدغ کرا ٲیغزان، ٲیسانغ مامنک ا-تقناعغ س-کوْلو کرا-یِّي-یجران... زوند ٲغ-داري ما-یگوتن زوند ٲغ-داري ما-یدروسن. 4:11-12 فیلیپی
- 21 ما-را-ییلی ٲی-بنادم ٲغ-یورې ٲیطاف دُونیت کوْلوت ٲیخسر ٲیخف-نس؟ 16:26 مائا
- 22 سَمونوات-ن ایدا غ-یگتا... اشکو ٲیناغ ٲیلا-وایدا-نک ا-غ-را-ییلی-وول-نک. 20:6 مائا
- 23 لحنانت ن-سیدی ربِّي ٲور-سار-ن-تبی، د-رحمت-نس تگوت ٲور-دارس تُمی. صباح ار صباح کنت د-لجدید. 3:22 ٲسموئیل
- 24 یان ٲور-یتحتون، ٲور-یسین ربِّي. اشکو ربِّي ٲیگا لحنانت. 4:8 یوحنا
- 25 ٲیقاما-سول لیمان د-رجا د-لحنانت، تنی س-کراض، والایتی تامزواروت کُیس ا-ست-یکان د-لحنانت. 13:13 1 کورینتوس
- 26 ار-اون-سَلمداغ ما-یون-یصلاحن، ار-اون-مالاغ اغاراس ما-غ-ا-تفتوم. 48:17 ٲیشاعیه
- 27 ٲغ-ک-یصلاح سیدی ربِّي، اد-ور-تینیت د-یخف-نک «غایاد ٲور-یگی یات...» اشکو سیدی ربِّي ار-یتربا وانا دارس ٲیغزان. 12:5 ٲیرمین
- 28 مل-یِّي ا-سیدی ربِّي ما-کُیگی-تقصادت، تگودت-یِّي بدّا غ-وغاراس یاستوان. 27:11 ٲموریکن
- 29 ای-اخدَام ن-ربِّي... امن اوال-نس ار-تحتوت غ-ویضا، ار-تصبارت ار-ترخوت د-کوْلو مدَن. 6:11 تیموتائوس
- 30 ایتا-غ-ا-تخدَام، خدمات کُیس س-تیقی-نون زوند ٲیغد سیدیتغ ا-می-تخدَام ٲورد ٲی-بنادم. 3:23 کولوسی
- 31 فرحات، ار-تسکارم ف-ووفولکی، ار-ترعام ٲی-نگراتون، تکم یان غ-ٲیسوینکیم-نون. 13:11 2 کورینتوس

- 1 ڪوڙو ما-تشتام عولا ڪوڙو ما-تسڻام عولا ڪوڙو ما-تسڪارم، عيلا فلاون اس-سرس-تمالام لماجد ن-رڻي. 31:10 1 ڪورينٿوس
- 2 اد-ور-تجلوم عيخف-نون. عور-يڙضار يان اس-ت-يڙري ف-رڻي. امود نا-ن-تلوحم، نٿان ا-را-تمڪرم. 8-7:6 ٿاڻا طيا
- 3 تارفوفنت لڻي-زريغ، عيلا-تي-گيس-وفولڪي، اشڪو لمدغ سرس تينباڙين-نڪ. 71:119 عيموريگن
- 4 رڻي انجام-نغ عيسباين-د منسڪ ا-يفولڪي عيحوڻو بنادم. س-رحمت-نس عيگوتن اس-اغ-يجنجم، عورد ف-سييت ن-يفولڪيتن لڻي-نسڪار. 5-4:3 تيطوس
- 5 راد-اغ-يفوگو زغ-گر عيفاسن ن-ينواشن-نغ، باش ا-تعباد بلا نڪسوز يات، ار-نسڪار ما-يفولڪين عولا ما-ت-يرضان ڪوڙو عوشان ن-تودرت-نغ. 75-74:1 لوقا
- 6 نٿان ا-يوسين دڻوب-نغ غ-ذات-نس ف-وگجدي... س-تيگاس-نس اس-تجيم. 24:2 1 بطروس
- 7 عيما رڻي، عيسن ماياد عيقصاد-ت عور-تا-يجري، عيسنڪر-ت-يد عيلما عيرزم-اس زغ-وڙتار ن-لموت، اشڪو عور-تضار لموت ا-تي-تامز. 24-23:2 عيرقاسن
- 8 س-صاحت يوسي نٿان تيكراين-نغ، يال تيگوضيوي-نغ... هان سيدي رڻي عيسرس-د فلاس لعقوبيت لڻي-اغ-يگان. 6،4:53 عيشاعياه
- 9 عيدحي-ت ا-يمت ف-سييت ن-دڻوب-نغ، عيسنڪر-ت-يد ا-يسڪر سلامت غ-گراغ ديدس. 25:4 روما
- 10 عيغ-ور-يضر-واقا ن-يردن غ-واڪال عيمت، واحدوت ا-را-يقاما. والايني عيغ-يموت راد-ياوي صابت عيگوتن. 24:12 يوحنا
- 11 هان لماسيح ياسوع افلاغ-يموتن، عينڪر-د-تيت زغ-لموت، ييلي ف-وفاسي ن-رڻي ار-ت-فلاغ-يتضالاب. 34:8 روما
- 12 نڪي ا-يگان امزوارو عولا امڪارو، ڪغ باب ن-تودرت. ڪيغ-تين موتغ، والايني ها-تي درغ غيلاد عولا ڪوڙو مايد-د-يفتان. 18-17:1 انورزم
- 13 عيڙضار ا-يجنجم ڪوڙو وينان-يسروح عي-رڻي غيلاد عولا ڪوڙو مايد-د-يفتان، اشڪو عيدر بدا ا-يتضالاب رڻي فلاسن. 25:7 عيعرين
- 14 امن س-سيديتنغ ياسوع، تنجمت ڪيي د-ايت-تگمي-نڪ. 31:16 عيرقاسن
- 15 قوغات ار-تيدوم س-دڻويت ڪوڙو، ار-تبراحم س-لخبار-اد عيفولڪين عي-ڪوڙو مدن. 15:16 مارقوس
- 16 عيلا فلا اد-تعاونغ ڪوڙو مدن، ايت-تمدين عولا ايت-ودرار، غويلي غراين عولا غويلي عور-غرينين. 14:1 روما
- 17 دو س-تگمي س-دار ايت-دارڪ، تينيت-اسن ف-مايد-اڪ-يسڪر سيدڪ عيفولڪي، عولا غمڪلي ٿيڪ عيحتا. 19:5 مارقوس
- 18 عور-ڪ-يخصا ابلا لحنات-ينو. اشڪو يان عيضعفن اغ-را-تيلي-تحڪيمت-ينو عيتجهدن س-وگار. 9:12 2 ڪورينٿوس
- 19 عيتيارا غ-وارا ن-رڻي: «وانا فلاس عيتكلن عور-سار-تي-تگراڙ». 11:10 روما
- 20 ڳاٽ لماسيح د-سيدس ن-وول-نون، توجادم غ-ڪرايڳاٽ تاساعت ا-دي-ترارم اوال عي-ڪوڙو وانا-ڪن-يسقسان ف-رجا لڻي-ٿيڪون-يلا. 15:3 1 بطروس
- 21 ڪرايڳاٽ تاسغات، زغ-لغلغ-نس اغ-ا-تياوشان... ايناس-يعمر-وول اس-ا-يساوال عيمي. 45-44:6 لوقا
- 22 قوغن عيرقاسن زغ-لمحڪاما، فرحن باهرا اشڪو عيگا-تن رڻي د-ويد-ف-يرضا ايلغ رفوفن ف-يسم ن-ياسوع. 41:5 عيرقاسن
- 23 اد-ور-تسڪاٽ، غير امن... عيس-تومن غيلاد غ-تي-تريت؟ عيمبارڪين اد-ڳان وينا سري عومنين بلا-تي-ژران. 29،27:20 يوحنا
- 24 ضالغ رڻي فلاڪ، ا-ور-يمت ليمان-نڪ. غاڪود ليغ توريت، سدوس ايتماڪ. 32:22 لوقا
- 25 اد-ور-تيڪساضت. زايد ار-تسوالد د-مدن. ا-ور-تفسات. هاتي ليغ ديدڪ، عور-يلي ما-را-ڪ-يلڪم س-گار. 10-9:18 عيرقاسن
- 26 اغفوسم بلا ٿيڪون عيلا ڪرا ن-لعيب، تگم تاروا شواين ن-رڻي غ-واماس ن-تاسوت-اد يخشن عيجلان. 15:2 فيلبي
- 27 نڪي عور-ڪيغ يات والا داري يات، والايني رڻي-نو عيسوانگم-تي-د بدا. 17:40 عيموريگن
- 28 هاتي ف-لحنات-نس ا-ف-تنجم ليغ سرس تومنم. عورد ف-سييت ن-ڪرا تسڪارم ڪوڻي، والايني تگا تاوافا عيفڪا-ياون-ت رڻي. 8:2 افسوس
- 29 ليغ تومنم س-لماسيح عيتياوفاڪا-ياون روح لقودوس لڻي-ف-ينا رڻي رات-يفڪ عي-مدن-نس. 13:1 افسوس
- 30 عورد س-لقوا عولا س-جهد والايني س-روح-ينو. عينا-ت سيدي رڻي ن-لملايڪا. 6:4 زاڪارياه



- 1 ار-يجوڻي ياسوع ڪيڪان د-مدن غ-لانت-تموضان د-واطان د-لجنون اُخشنين، ار-يترا را عيوكاضن ڪوتين اد-يسفيون. لوقا 21:7
- 2 ار-يتڪا ڪرايڪاٽ ماني ار-يسڪار افولڪي ار-يجوڻي ڪولو ويٺي تياو ڪرافين س-يسڪراف ن-يبليس. 38:10 عيرقاس
- 3 مايد ا-ف-د-يوشڪا يوس ن-رٻي: يوشڪا-د-ايهڪا عيسڪين ن-يبليس. 1 يوحنا 3:8
- 4 ماين ا-ف-يورٽي عولا نٿا عيطاف ذات زوند نڪئي، باش ايمٽ عيهڪا عيبليس ٿي-دار لقوا ن-لموت. عيفسي عي-ڪولو ويٺي زراينين عوشان-نسن غ-يسڪراف ن-تڪساض ن-لموت. 15:14-2 عيعرين
- 5 هاتي ياسوع ٿي-فلاون-يتيالال ن-س-يڪتا، را-د-يورٽي غمڪاد تي-تزام عيفنا س-يڪتا. 11:1 عيرقاس
- 6 را-د-يورٽي تيس سنات-توال، عورد باش ا-ياسي دنوب والايتي باش ا-يجنجم ڪولو ويٺا سرس تقلنين رجون-ين ڪيس. 28:9 عيعرين
- 7 عوريج-اون-ين تيغاسيون-اد عي-ڪوتي ٿي-ومنين س-يسم ن-يوس ن-رٻي، باش ا-تيسانم عيس-تطافم تودرت عيدومن. 13:5 يوحنا
- 8 را-دي-تاشڪ تاساعت ٿي-غ-راد-سفلدن ڪولو ويٺي لائين غ-يسمضال عي-واوال-ينو... غاڪودان ار-اد-د-قوغن. 29:28-5 يوحنا
- 9 ضوفات اشڪو عور-تسينم مان اس عولا مان تاساعت ار-اد-د-اشڪغ. 13:25 مائا
- 10 را-يتوت نثار عيتجهدن، ازغ لملايڪا-نو اد-سمون غولي ڪانين وينو زغ-ڪرايڪاٽ تاسڪا، زغ-تمي ن-دونيت ار تمي مائا 31:24
- ياضني.
- 11 غاڪود نا-تزام تيغاسيون-اد ار-جرؤنت، نڪرات تالم عيخفاون-نون، اشڪو تاڪمور-د تاساعت ٿي-غ-را-تنجم. 28:21 لوقا
- 12 عور-را-ڪن-يادج ا-تيارم عوڪار ن-ما-مي-تضارم. هاتي غاڪود نا-تزام غ-تاساست راد-اون-يمل مامنڪ ا-ستي-تروم تنجم زغ-ڪيس. 13:10 ڪورينٿوس
- 13 را-تي-يجنجم سيديتغ زغ-ڪولو ما-يخشن، عيسروح-تي ن-غ-لامان س-تڪلديت-نس ن-يڪتا. 18:4 2 تيموتاوس
- 14 عيفڪا عيخف-نس اد-اغ-يفرو زغ-ڪولو ما-يخشن، عيسغوس-اغ باش انڪ مدن-نس ٿي-باها-يتيرين اد-سڪارن ما-يفولڪين. 14:2 تيطوس
- 15 ليغ ديدنغ عبيد رٻي ما-راد-اغ-ينرو؟... ڪولو غايبان، ترا-ت باها س-يسم ن-والي ڪينغ عيخان. 37:31-8 روما
- 16 اسبيات ڪولو عيمقلاد ن-رٻي باش ا-تيزضارم ا-تضاضام لحيلا ن-يبليس. 11:6 افسوس
- 17 ڪرا ن-مدن ڪان زوند امود ٿي-يضرن غ-وغاراس. ليغ سفلدن عي-واوال ياشڪ-يد شيطان، عيڪيس-اسن اوال ٿي-دارسن-يلا ن. 15:4 مارقوس
- 18 سيدي رٻي عيسن مانوي ڪانين وينس. 19:2 2 تيموتاوس
- 19 ار-د-يسموقول زغ-تاتويت، عيڪابل عيڪنوان د-واڪال. ار-يتال امثلوز زغ-وڪدرو، عيڪس-د عولا عيڪلين زغ-ومدوز. 7-6:113 عيموريڪن
- 20 رٻي ٿي-مي-ڪينغ وينس راد-اون-ياڪا ڪولو ما-تحتاجام زغ-تيميخار ن-لماجد-نس ف-وودم ن-لماسيح ياسوع. 19:4 فيليبي
- 21 ڪات-ن فلاون عيخلاسن-ينو ار-زڪيڪي-تلمادم... هاتي رخان عيخلاسن-ينو، عيفسوس-وسيٽي ٿي-راد-فلاون-سرسغ. 30:29-11 مائا
- 22 وانا عيسفيلدن س-لوصيات-ينو ار-سرسنت-يسڪار، نٿان ا-تي-يتيرين. د-وانا-تي-يتيرين، را-ت-ييري بابا. 21:14 يوحنا
- 23 هان وانا عور-ديدي-يلين، عيڪا ضيغ-ينو. د-وانا عور-ديدي-يسمونون، ار-يزمزار. 23:11 لوقا
- 24 واخا عور-جو-تي-تيريم، عيڪا دارون باها... ار-سرس-تفراحم س-لفرح عيڪوتن. 8:1 بطروس
- 25 ادجات اوال ن-لماسيح ا-يعمر عولاون-نون، ار-تسلمادم ار-تضاحم عي-نڪراتون س-ڪولو ما-يڪان تاحڪيمت. 16:3 ڪولوسي
- 26 زايدات ار-تزعام ار-تمعاوانم عي-نڪراتون غمڪلي تيمارم ا-تسڪارم. 11:5 1 تاسالونيڪي
- 27 ضالغ-ت اد-اون-ياڪا زغ-تيميخار ن-لماجد-نس، عيسدوس-ڪن غ-وڪنس-نون س-تحيڪيمت عيتجهدن ن-روح-نس... ارد توريم تعمم ڪولو س-وفولڪي ن-رٻي. 19:16-3 افسوس
- 28 اور-دي-توريم ف-زعامت-ان ڪيڪون عيلا ن، اشڪو راد-اون-ڪيس-تيلي لباراڪا عيڪوتن. 35:10 عيعرين
- 29 عيلا فلاغ ا-نلوح ڪولو ماد-اغ-يژوژاين، نفل دنوب ٿي-بدا-تيرينين اد-اغ-سموڪروسن، باش ا-نتازال بلا-دا-نترماي غ-وغاراس ٿي-يرژمن غ-لڪدام-نغ. 1:12 عيعرين
- 30 عور-راد-ادجغ ال-ينو ا-تمنادت ڪرا عيسرڪاون. 3:101 عيموريڪن
- 31 تاغاسا عيپان اس-ت-يڪان، ا-تحموم عي-نڪراتون، اشڪو لحنانت ار-تستتال ڪيڪان د-دونوب. 8:4 بطروس



- 1 هاتي غ-وفوس-ينو ا-غ-يتياوفڪا ڪوڻو ما-يلان غ-يگنوان عولا غ-واڪال... ها-ٻي بدا ديدون ار عيسڪرا ن-دُونيت. مائٽا 20:18,28
- 2 عيس-ڙضارن ايت-تمغرا اد-اڙومن د-وسلي ديدسن؟ عيغ-سول-ديدسن-يلا-وسلي عور-ڙضارن اد-اڙومن. مارقوس 19:2
- 3 تاڪلديت ن-رٻي عور-تڳي امشو نغد تيسي، والايتي افولڪي د-سلامت د-لفرح ا-تڳا، س-تحڪيمت ن-روح لقودوس. روما 17:14
- 4 عورد مايي عيڪشمن زغ-يمي ن-بنادم ات-يسحرامن. والايتي غايي د-يتقوغن زغ-يمي-نس، نٿان ات-يسحرامن. مائٽا 11:15
- 5 زڳا عيخف-نڪ غ-وغاراس ن-لماسيح، دا-ور-تادجت ڪرا يُخشن ا-يڪشم س-وول-نڪ. 1 تيموتاوس 19:1
- 6 وا رٻي سيڪل ڪيڪي تيسان عول-ينو. ارم-ٻي تيسان ماد-سوينگيمغ، تڙت عيس-ڪيڪي-يلا ڪرا يُخشن، تڳودت-ٻي بدا غ-وغاراس عيدومن. عيموريڪن 24-23:139
- 7 نٿان ا-يوسين دَنوب-نغ غ-ذات-نس ف-وگجدي، باش ا-نمت اي-دَنوب ندر اي-ما-يرضان رٻي. 1 بطروس 24:2
- 8 عيصبر نٿان اي-لموت ف-وگجدي، عورت-يوي غ-تداليت، اشڪو عيڙان لفرح لي-راد-اس-ييلي تيگيرا. عيسڪيوس عيبرين 2:12
- 9 نٿان ا-ف-ساوولن لانبيا ڪوڻوتن ار-اگان توگا-نسن ار-ٽينين: «س-يسم-نس ا-س-را-يسيٽي رٻي دَنوب ف-ڪوڻو وانا سرس يومن.» عيرقاسن 43:10
- 10 امبارڪي ا-يگا وانا مي عيصامح سيدي رٻي ف-تجلي-نس، عيسيٽي فلاس غايي-ت-يسحشامن. عيموريڪن 1:32
- 11 فلات ڪوڻو ما-تسڪارم يُخشن، عيدم ڪود يان ڪيڪون غ-وامان س-يسم ن-ياسوع لماسيح، اد-اون-يصامح رٻي ف-دَنوب-نون. عيرقاسن 38:2
- 12 عيما غيلاد تلا-ياغ سلامت غ-ڪراغ د-رٻي ف-وووم ن-سيديتنغ ياسوع لماسيح، اشڪو عيگا-ياغ د-ويد-ف-يرضا ف-سبيت ن-ما-سرس-نومن. روما 1:5
- 13 عيلا-ياغ يان-ونمغور عيپان لي-يرضارن ا-يحنو ف-ضعف-نغ، اشڪو عيتيارام عولا نٿا زغ-ڪرايڪاٽ تاسڪا زوند نڪني، والايتي عور-جو-يسڪير ڪرا ن-دَنوب. عيبرين 15:4
- 14 ف-سبيت ن-ما-يسڪر لماسيح عولا ف-سبيت ن-ما-سرس-نومن ا-ف-نرضار ا-ن-ناڪمور س-رٻي غيلاد بلا-دا-نتحشام عولا-دا-نتيڪساض. افسوس 12:3
- 15 نسن عيس-اغ-يقبل رٻي ف-سبيت ن-لماسيح... هاتي ار-تزعام باهرا غيلاد، اشڪو عيلا-ياغ رجا-ياد عيصحان. 2 ڪورينٿوس 12:4,3
- 16 فرحات بدا غ-سيديتنغ. رات-داغ-ينيغ، فرحات. فيليبي 4:4
- 17 تعميرات س-روح لقودوس... ار-بدا-تسڪارم رٻي بابانغ ف-ڪرايڪاٽ ڪرا. افسوس 20:18,5
- 18 روح لي-اغ-يفڪا رٻي عور-ياغ-يترارا ا-نتيڪساض، والايتي ار-اغ-يتعمار س-تحڪيمت عيتجهدن د-لحنانت د-تنباط ن-يخف-نغ. 2 تيموتاوس 7:1
- 19 عيما لغلت ن-روح تڳا لحنانت د-لفرح دلها د-صبر، ار-تعاوان ويياض ار-ديدسن-نتفولڪي ار-ديدسن-نتبداد، ار-ديدسن-نترخو، ار-بدا-نقاي غ-يخف-نغ. ڪلاطيا 23-22:5
- 20 ا-ور-ٽي-تسطينارم اي-روح لقودوس ن-رٻي لي-اون-يفڪا باش ا-يڪ تاماتارت ن-يس-تڳام وينس. افسوس 30:4
- 21 عور-د-وشڪيغ ا-فلا-تخدان مدن. عوشڪيغ د-اتخدانغ، فڪغ تودرت-ينو اد-فوگوغ ما-يگوتن. مارقوس 45:10
- 22 ار-ٽينين: «ڪوڻو ما-يسڪار عيفولڪي. هاتي ار-يترارا عيضرضار ار-سفلين عولا عيڙنزام ار-ساوالن.» مارقوس 37:7
- 23 ها-ٻي بيدغ غ-يمي ار-سضوقورغ. عيغ-يلا ما-يسفلدن اي-واوال-ينو عيرزم-ٻي، را-دارس-ڪشمغ شغ ديدس عيش ديدي. انورزم 20:3
- 24 عيساول د-يني-اس: «وا-سيدي، عور-ستهلاغ ا-تڪشم س-تگمي-نو.» مائٽا 8:8
- 25 وا-تاروا عزانين، ا-ور-نمالا لحنانت غير س-يواليون عولا س-يلس والايتي س-يسڪيرن د-لحق. 1 يوحانا 18:3
- 26 اد-ور-تاسيم تامرواست اي-يان. غير يات-تمرواست ا-ڪن-د-يقان: ا-تحنوم اي-نڪراتون. روما 8:13
- 27 ار-بدا-ٽي-يتعاوان رٻي سول س-غاساد. مايان ا-ف-بيدغ غيد ار-اگاغ توگا-نو اي-ڪوڻو مدن. عيرقاسن 22:26
- 28 عيبارڪ-اغ رٻي عييضو-اغ مئاوت-توافڪيو. عيما نڪني، عيلا فلاغ ا-نسڪار س-ماد-اغ-يفڪا... يان مي عيفڪا ا-يتعاوان، عيلا فلاس ا-يتعاوان س-لفرح. روما 8:6,12
- 29 عور-ا-تحشامغ س-لخبار-اد عيفولڪين، اشڪو عيگا تاحڪيمت عيتجهدن ن-رٻي لي-س-ا-يجنجام ڪوڻو وانا يومن. روما 16:1
- 30 مايي مي زڳيڪي تسفلديت غ-ڪر عيناگان ڪوتنين، اگا-ت غ-ڪر عيفاسن ن-مدن زگانين رضارن اد-سلمان ويياض. 2 تيموتاوس 2:2



- 1 رٻي واحدوت اد-دار-سيڪيلغ اسونفو، دارس ا-غ-طاغ لمان.
- 2 لوحات-ن ڪوٽو تيغويون-نون ف-رٻي اشڪو ار-ڪيئون-تيهلا.
- 3 حمد عي-سدي رٻي اول-ينو. اور-توت ڪوٽو تيمبخار-نس.
- 4 اور-انسڪار ف-انترضو بنادم والايتي ار-نسڪار ف-انرضو رٻي ٿي-يتارمن عول-نغ.
- 5 عيما نڪني ار-ت-نتاوي غ-مايلي-س-نومن، عورد غ-مايلي نڙا. ميان اد-اغ-يزعامن باهرا.
- 6 ياتوي رٻي ف-ڪوٽو تيمزار، لماجد-نس عيمر عيڪنوان... ار-د-يسموقول زغ-تاتوويت، عيڪابل عيڪنوان د-واڪال.
- 7 [ ياسوع ] عيسباين-د لماجد-نس، امن سرس عيمحضارن-نس.
- 8 نڪني ڪوٽو ار-تمناد لماجد ن-سيديتغ غيلاد... د-سيديتغ ٿي-يڪان روح ار-اغ-يتبدال باش انگ زوند نٿا، ار-اغ-يتزايد لماجد ف-لماجد.
- 9 عيزور-اسن سدي رٻي غ-تالت ن-ومدلو اد-اسن-يمل اغاراس غ-وزال، عيزور-اسن غ-تالت ن-لعافيت اد-اسن-يسوفو د-بيض.
- 10 سدي رٻي عيڪا تيفوت-ينو عيڪا انجم-ينو. ما-زغ-راد-يڪساضغ؟ سدي رٻي عيڪا لبرج-ينو عيحضو تودرت-ينو. ما-را-ٿي-يسيدو؟
- 11 عيغ-انتيديو غ-تيفوت غمڪلي عيلا نٿا غ-تيفوت، تلا دارنغ تامونت عي-نگراتغ، ار-اغ-سغوسن عيدامن ن-ياسوع يوس ن-رٻي زغ-ڪوٽو ڏنوب نا-ڪينغ-يلان.
- 12 سدي رٻي عيلا بدا غ-تامان-نڪ عيڪا انگبال-نڪ... سدي رٻي ار-ايڪابل تودرت-نڪ، را-ڪ-يسنتال زغ-ڪوٽو ما-را-ڪ-بيري.
- 13 عيلا فلاغ ان-تمناد غ-ياسوع ٿي-اغ-يسڪرن اغاراس اد-س-نومن، راد-اغ-ڪيس-ياوي ار ٿمي.
- 14 غايد اف-تجلام، اشڪو اور-تسنيم اران ن-رٻي عولا تسنم تارضارت ن-رٻي.
- 15 امڙ بدا غ-ولمود عياغزان ٿي-مي-داري-تسفلدت... ڪابل لامانت عيفولڪين ٿي-اڪ-يفڪا رٻي.
- 16 عيعزو-واوال-نڪ عوڪار ن-ورغ... عيميم ف-تامنت عولا تيمقا ن-يمشض. ار-يتهدو ويٿي-ڪ-يتقاسان. د-وانا سرس عيسڪارن، لخير ار-اد-اس-بيلي.
- 17 ار-نسوينگيم غ-واوال ن-سيديتغ ياسوع ليغ عينا: «امبارڪي ا-يڪا غوالي يڪان، عوڪار ن-والي عيتامزن.»
- 18 اڪايات بلا-دا-تامزم يات، اشڪو تومزم بلا تفڪام يات.
- 19 ضالبات رٻي ا-يبارڪ ويٿا-ڪن-سرفوفين. اور-تي-تضالابم اتن-يخزو والايتي اتن-يبارڪ.
- 20 ساوالات س-يواليون شوانين ميمين، تيسانم مامنڪ ار-ترارام عي-ڪرايڪاٽ يان اول نا-ت-يخصان.
- 21 عيغ-يلا ڪرا ن-يان عيغالن عيزد امومن ا-يڪا والايتي اور-ا-يتنباض غ-يلس-نس، هاتين عيجلا د-يخف-نس. ليمان-نس اور-يڪي يات.
- 22 غاڪود نا-تزالام اور-تسيڪاتم عيواليون خوانين... اشڪو باباتون عيسن ما-ڪن-يخصان اور-تاياس-تي-تضاليم.
- 23 عيلا فلاون اتحتوم ار-تفولڪيم ار-تصاماحم عي-نگراتون غمڪلي-اون-يصامح رٻي ف-سيت ن-لماسيح.
- 24 غ-ووسان-ان عيهنا لحال دار ڪوٽو ايت-ومناڪار... ار-تيڪاتن ار-تدوسن، ار-تن-يزعام روح لقودوس. ار-سڪارن ڪوٽو ف-اد-رضون سيديتغ.
- 25 سوانگمات د-غيلاد تيسانم غ-وول-نون عيزد غمڪلي عيتشفو بنادم د-تاروا-نس ف-تربيت، غمڪان ا-ديدون-يتشفو رٻي سيديتون ف-تربيت-نون.
- 26 اد-اون-ور-طير، اشڪو لفرح ن-سدي رٻي ا-يڪان ادواس-نون.
- 27 عيرزم-اغ-لماسيح باش اور-سول-نڪ عيسمگان عي-يات. بيدات غيلاد تزگام اور-تورم-داغ س-يسڪراف ن-تسموگيت.
- 28 عيما رٻي، تڪوت دارس رحمت... عيسندر-اغ-د-لماسيح غاڪود ليغ سول نموت غ-ڏنوب-نغ.
- 29 نٿان اد-اون-يفڪان ا-تگم وين لماسيح. عيفڪ-اغ-تاحيڪمت ن-لماسيح، عيفڪ-اغ-افولڪي ن-لماسيح، عيٿلي-اغ-س-وڙلاي ن-لماسيح، عيفوڪو-اغ-ف-وودم ن-لماسيح.
- 30 ها-ٿي مونغ د-لماسيح ف-وگجدي-نس. عورد سول نڪي ا-يدر ن والايتي لماسيح ا-ڪيڪي-يدر ن.
- 31 ژضارغ عي-ڪرايڪاٽ ڪرا س-تدواست ن-لماسيح ٿي-بي-يسدوسن.



- 1 نڱين ايڳان اغاراس عولا لحق عولا تودرت. عور-ران-يروح يان دار رٻي بابا، ابلا عيغ-ت-سروحغ نڱي. يوحنا 6:14
- 2 وانا عيسفلدن س-واوال-ينو يامن غوالي-ٻي-ديوزن، رايدر تودرت عيدومن. عور-رافلاس-يتوت لحوڪم، اشڪو عيزري زغ-لموت س-تودرت. يوحنا 24:5
- 3 قراغ-اڪ غاڪودان مامنڪ اد-قوغ زغ-واوال-نڪ... عيغ-اڪ «تُگراڙي ٻي اسيدي رٻي ف-غايلي سڪرغ يُخشن.» تسييت فلا غاڪودان تازايت ن-دُئوب-ينو. عيموريڱن 5:32
- 4 عيسفيض تالوحت ن-لحساب لي-فلائغ-يحاڪامن س-لوصييات لي-س-ور-نسڪير. عيگيس-ت-ين فلاغ، يوت-اس تيگوسين ف-وگجدي. ڪولوسي 14:2
- 5 عيغ-انقرّا س-دُئوب-نغ، رايسافو اوال-نس عيزڻا لحق، عيسيي فلاغ دُئوب-نغ، عيسغوس-اغ زغ-ڪولو ما-ڪينغ-يُخشن. 1 يوحنا 9:1
- 6 عور-اڪ-حشيمغ، اشڪو سَنغ غوالي-س-ومنغ. ورِيغ عيسانغ عيس-يُضار ايگابل لامنت-ينو ار اس عيگران. 2 تيموتاوس 12:1
- 7 عيغ-يلا يان دار ما-س-ايتاشنگا س-واياض، ايلا فلاس اد-اس-يصامح. صامحات اي-نگراتون غمڪلي-اون-يصامح سيديتون. ڪولوسي 13:3
- 8 غمڪاد اس-راد-يسان ڪولو مڏن عيزد عيمحضارن-ينو ا-تڳام، عيغ-اتحتوم اي-نگراتون. يوحنا 35:13
- 9 ا-ڪولو-تڳم يان غ-ما-تسوينگيم عولا ما-س-اتسحسوم، ار-تحتوم اي-نگراتون س-تايري ن-ايتماين. 1 بطروس 8:3
- 10 ايلا فلاغ اس-تنتاوي غ-ينگراتغ باش ا-تتمعاون ا-نيسان مامنڪ ا-تحتو ار-نسڪار ڪولو ما-يفولڪين. عيبرين 24:10
- 11 وا-رٻي تڳيت رٻي-نو، نڪرغ زيك ار-سرڪ-سيگيلغ. عيموريڱن 1:63
- 12 عيحوڏا-ياسن عيسگاسن ن-تودرت، عيگلي-اسن عيوٽا ن-يمزدغن-نسن. عيسڪر-اسن غمڪان باش اد-سيگيلن س-رٻي ا-ور-يميل مناگرن ديدس عيسان-ت. عيرقاس 27-26:17
- 13 رٻي واحدوت ا-را-ٻي-يسيد غ-لامان، د-نتان ا-را-يساتوي عيسم-ينو. عيموريڱن 7:62
- 14 سيدي رٻي ايڳان اعوين-ينو. عور-ڪسوضغ يات. ما-راد-ٻي-يسڪر بنادم؟ عيبرين 6:13
- 15 عوزنغ-ڪُن غيلاد زوند عيلقاغن غ-گر-ووشان. رارات لعافل زوند الڪماض، تزييم س-سلامت زوند اتبير. مائا 16:10
- 16 تڳات ن-تبيقي-نون ا-تسڪارم ڪولو ما-مي-تضارم ا-بدا-تيلي سلامت غ-گراتون د-ڪولو مڏن. روما 18:12
- 17 عيغ-تقلاقلم ا-ور-تادجم غايان ا-ڪُن-يدحي ارد تسڪرم ڪرا يُخشن. سينييات اقلاقال-ان عور-تا-ن-تضر تافوڪت، باش ا-ور-تادجم اي-ييليس مانيزغ ا-ن-سرون-يڪشم. افسوس 27-26:4
- 18 ا-ور-نترماي غ-وفولڪي-اد نسڪار، اشڪو را-نمڪر صابت غ-وزمز-نس عيغ-ور-نهروصي. ڪلاطيا 9:6
- 19 عيما نڱي نڱا ايت-يگنا. نڱا-ن رجا-نغ غ-ونجڻم لي-را-د-ياشڪ زغ-يگنا ار-سرس-نتقل، ات-يڳان د-سيديتنغ ياسوع لماسيح. فيليي 20:3
- 20 غير عيميك ران-اشڪغ. امڙ غ-ما-دارڪ-يلا. ا-ور-تادجت يان ا-يڪ-ياگر تاج-نڪ. انورڙم 11:3
- 21 عيغ-يرضا سيدي رٻي س-وغاراس ن-يان، دا-گيس-يزڻا تاوادا-نس. واخات-يوت عيفيڪش، عور-را-ن-يضر ف-وودم-نس، اشڪو سيدي رٻي اد-اس-يومون افسوس. عيموريڱن 24-23:37
- 22 هاتي يووز بدا غوالي-ڪ-يگابلن، عور-سار-يودجي اضار-نڪ ا-ينشڱ. عيموريڱن 3:121
- 23 غولي فوغنين لوحن-ين امود س-يمطاون، تنني ا-را-يمگر س-تالغائين ن-لرح. عيموريڱن 5:126
- 24 عيمبارڪين اد-تڳان غولي ياغ لاڙ عولا عيرفي اي-ما-يرضان رٻي، اشڪو تنني ا-را-يشبع. مائا 6:5
- 25 بنادم ار-يڙرا ما-يتبان اي-والن، عيما رٻي سيدڪ ار-يڙرا ما-يلا غ-وول. 1 صامويل 7:16
- 26 رٻي عيگا روح. وينا رانين اتي-تعبادن، عيقان-تن-د اتي-تعبادن س-تحڪيمت ن-روح عولا لحق. يوحنا 24:4
- 27 ڳوتنت-توافڪيو، والايتي يان-روح ا-يلا... ار-ياگا اي-ڪود يان تحڪيمت ن-روح لقودوس ا-سرس-يتعاون ويياض. 1 ڪورينٿوس 7:4:12
- 28 عيلا ف-ڪرايڳاٽ يان ا-يسڪار س-توافڪا ن-روح نا-ياس-يفڪا رٻي، ار-سرس-يتعاون ويياض س-نيت ن-وول-نس. 1 بطروس 10:4
- 29 هاتي ڪولو ما-يلا غ-وارائن-اد، رٻي ات-يد-يسباين. عيشوا ڪولو ا-سرس-نسلما لحق، نشحشم وانا عيسڪرن ما-يُخشن، نرارد وانا عيجلان، نمل مامنڪ ا-نسڪار افولڪي لي-س-يرضا رٻي. 2 تيموتاوس 16:3
- 30 ا-ور-سار-ييتي-وارا ن-ولمود-اد زغ-يمي-نڪ. ار-گيس-تسوينگيم غ-بييض عولا ازال، افاد اد-بدا-ترارت لعافل ا-تسڪارت س-ڪولو ما-گيس-يتياران. غمڪان اس-راد-بدا-تڪمالت ما-تقصادت، د-غمڪان اس-راد-بدا-تجحت. ياهوشوع 8:1
- 31 عيما غيلاد ا-نزي زغ-تغاوسيوين-ان تيمزورا ن-ولمود ف-لماسيح، نزايد س-ما-يڳان وين عيمقورن. عيبرين 1:6





- 1 يان عيسن ايسڪر افولڪي عورت-يسڪير، ڏنوب اد-اس-يڳا غايان. 17:4 ياعقوب
- 2 تيغراڻ ن-ڏنوب لموت اس-يگان، والايتي تيگي ن-رٻي تڳا تودرت عيدومن ف-وودم ن-لماسيح ياسوع سيديتنغ. روما 23:6
- 3 عيلا يان رٻي، ييلي يان ٿي-بيدن غ-گر رٻي د-بنادم، ات-يگان د-لماسيح ياسوع ٿي-يگان بنادم. عيفڪا عيخف-نس 1 تيموتاوس 5:2
- 4 وانا سري يومن، عور-را-فلاس-يتوت لحوڪم. عيما وانا عور-يرين ايامن، لحوڪم افلاس-يلاڻ اشڪو عور-يومين س-واد 18:3 يوحنا
- 5 رٻي عيسڪر سلامت غ-گراس د-ڏونيت ف-وودم ن-لماسيح، عور-سول-ا-يتحاسب ف-مدن ڏنوب-نسن. يازن-اغ 19:5 2 ڪورينٿوس
- 6 تڳام ايت-رٻي، عيٺلي-ڪن اتڪم وينس، باش اتاويم لخبار عي-مدن ف-ڪولو ما-يسڪر غوالي-اون-د-يغراڻ زغ-تيلاس س-تيفات ن-لمجد-نس. 9:2 بطروس
- 7 عبيد ديددي سيديتنغ، عيسدوس-ٻي اد-اسن-تيراحغ س-لخبار عيفولڪين غمڪلي عيگا. 17:4 2 تيموتاوس
- 8 ڪنواٽ غ-ڏو-ووفوس عيتجهدن ن-رٻي باش اڪن-يال غ-وزمز نا-يرا. 6:5 بطروس
- 9 ار-تقناعغ نڪي غاڪود نا-ضعفغ عولا غاڪود نا-ٿي-رڳمن مدن عولا غاڪود نا-ڪاتغ تامارا ار-ترفوفونغ ار-زرايغ غ-تنوڪموت ف-سييت ن-لماسيح. اشڪو غاڪود نا-ضعفغ، هاتي تجهدغ. 10:12 2 ڪورينٿوس
- 10 سنغ عيس-ور-تضرارت عي-ما-يگوتن والايتي تومرت غ-واوال-ينو، عور-تيت عور-ٻي-تسيت. انورزم 8:3
- 11 اور-تاسيم تاغوفت ف-ڪرا، والايتي تزاٽ ار-تضالام رٻي ف-ڪرايڳاٽ ڪرا، ار-تي-تشڪارم ار-اس-تينيمن ف-ايتا-ڪن-يخصان. غمڪاد اس-راد-اون-تيلي سلامت ن-رٻي. 7:6:4 فيليبي
- 12 لڳ ڪملن تازاليت-اد، تمان-تگمي ٿي-غ-لان، عمرن ڪولوتن س-روح لقودوس ار-ساوالن س-زعامت س-واوال ن-رٻي. 31:4 عيرقاس
- 13 لهنا عيگوتن ايلان عي-ويلي دار عيميم-ولمود-نڪ، دور-سارد عيفيڪش ايوتن اضار-نسن. 165:119 عيموريگن
- 14 س-صاحت بنادم توڳا ڪا-يگا. تسلاو توڳا ياسوس-وجدڻڪ-نس، عيما اوال ن-رٻي-نغ عيزڳا بدا. 8:40 عيشاعه
- 15 وانا عيئين عيس-يگا وينو غ-گر مدن، عولا نڪي ٿي-يگان يوس ن-بنادم را-تينيغ عيگا وينو غ-دار لملالڪا ن-رٻي. 8:12 لوقا
- 16 زعامات عي-نگراتون ڪرايڳاٽ اس، ماحد لان-ووسان، اور-گيگون-ييلي ما-ن-لدن ڏنوب ارد عيقار عيخف-نس عيجلو. 13:3 عيعرين
- 17 اور-نسيگي ف-ومناگار ن-ينگراتنغ غمڪلي سڪارن ڪرا ن-مدن، والايتي انزعام عي-نگراتنغ، غيلاد س-وگار اشڪو ار-تمنادم عيس-اد-ديتاکمور-واس ٿي-غ-را-د-ياشڪ سيديتنغ. 25:10 عيعرين
- 18 ار-ڪولو-تمونون س-يان-وول ار-تزالان ار-تضالابن رٻي، نتي د-تمغارين-نسن. 14:1 عيرقاس
- 19 ضالغ رٻي ٿي-ياگان صبر د-زعامت، اد-اون-يفڪ اد-بدا-دي-تمشاشڪام عي-نگراتون غ-تامونن ن-لماسيح ياسوع. 5:15 روما
- 20 هان عيلا ف-ڪولو وينا زرينن عونشڪ-اد ن-لوقت ٿي-تريزيم ڪوني، اد-يضرارن اد-سلمادن ويياض. 12:5 عيعرين
- 21 لهو عيخف-نڪ ار-تافرات ار-اتن ن-رٻي ف-ايمانن ار-تن-تزعامت ار-تن-تسلمادت. 13:4 1 تيموتاوس
- 22 سنغ ڪولو ما-تسڪارت عولا مامنڪ ا-ٻي-تيريت، تزڳات غ-وغاراس-ينو ار-تسڪارت تاووري-نو باهرا، ار-تصبارت غ-تنوڪموت نا-فلاڪ-يزرين. 19:2 انورزم
- 23 ڪولو مانيس ا-تيدوت غ-ڪرايڳاٽ تاساعت، سيددي رٻي ا-را-ڪ-يگابل زغ-غيڪ تاساونت. 8:121 عيموريگن
- 24 ڪولو ماياد تيغ-اون-ت باش ا-تيلي سلامت-ينو غ-وولاون-نون. تاڪرايت ا-راد-اون-ييلي غ-ڏونيت. والايتي زعمات، ها-ٻي نريغ ڏونيت. 33:16 يوحنا
- 25 يومن رٻي بلا-اڪ-يشڪا غ-واوال ٿي-س-اس-يئا... ييسان باهرا عيس-يضرار رٻي ا-يڪمل مايلي-س-اس-يئا س-واوال عيزڳان. 21:20:4 روما
- 26 رٻي ٿي-گيگون-يگران افولڪي رات-يسافاو ارد عيڪمل غ-واس ٿي-غ-را-د-يورٻي لماسيح ياسوع. 6:1 فيليبي
- 27 مل-ٻي ا-سيددي رٻي ما-گيگي-تقصادت، باش اد-فتوغ غ-وغاراس-نڪ ن-لحق. 11:86 عيموريگن
- 28 رٻي اد-اغ-يسڪرن غمڪان، عيگ-اغ د-وين لماسيح ياسوع باش ا-تنناوال عيفولڪيتن ٿي-اغ-زوار-يجوجاد ا-تن-نسڪار. 10:2 افسوس
- 29 فرحات بدا، ار-تزالام غ-ڪرايڳاٽ لوقت، ار-تشڪارم رٻي غمڪنا عيگا لحال. 18:16:5 1 تاسالونيڪي
- 30 ڪوني تنوام گيگي ما-يخشن، عيما رٻي عيناو سرس افولڪي، باش ا-يجنجم تودرت ن-مدن گوتين. 20:50 عيسيزور



- 1 وانا ايځان وين لماسيځ، عيسكرت رښي زغ-لجديد. لاح زغ-ځيس اقديم، عيوري ايځ وين لجديد. 2 كورينټوس 17:5
- 2 عيځنجم-اغ، عيسيرد-اغ، عيفك-اغ تالاليت ن-تودرت لجديد س-تحكيمة ن-روح لقودوس لي-س-اغ-يعمر ف-وفوس ن-ونجام-نغ ياسوع لماسيځ. تيطوس 6-5:3
- 3 وانا عيتنين عيس-يگا وين لماسيځ، عيقان-ت-يد ا-يسكار غمكللي عيسكار لماسيځ. 1 يوحنا 6:2
- 4 عيمباركين اد-گان غويلي تحونين غ-ويياض، اشكو نتي اف-راد-يحنو رښي. مائا 7:5
- 5 اكايات اي-ويياض ف-ايون-ياگا رښي... اشكو س-لعبرت لي-س-اتعبارم اس-راد-اون-يتياوعبار. لوقا 38:6
- 6 عيلا فلانغ ا-نسكار افولكي غ-كولو مدن غاكود نا-نوبا، س-وگار غ-ايتماغ لي-ومتين س-لماسيځ. 10:6 گلاطيا
- 7 وا-تيمغارين، سفليدات س-يرگان-نونت... عيما كوني ا-يرگان، تحوات غ-تمغارين-نون. افسوس 25:22
- 8 لحنات عور-ځيس تيكساض، والايتي لحنات عيكلن ار-ن-تلوح تيكساض س-برا. 1 يوحنا 18:4
- 9 عور-يلي ما-يي-يسفراحن زوند عيغ-سفلدغ ف-تاروا-نو عيس-سول-اتيدون غ-وغاراس ن-لحق. 3 يوحنا 4
- 10 هاتي المود ن-سيدي رښي اس-ا-يتفراح. المود-نس-اغ-ا-يسوينگيم غ-بيض عولا ازال. 2:1 عيمورينگن
- 11 كولو ما-يتياران غ-ووسان لي-زرينين، عيتيارا باش ا-نلمد نكي، نصبر نزم، نرگا غ-رجا ف-سييت ن-مايلي نافرا غ-واراتن-ان. روما 4:15
- 12 فكات عيخفان-نون غ-وفوس ن-والي-كن-يخلقن لي-بدا-يزگان غ-اوال-نس، ترايدم ار-تسكارم افولكي. 1 بطروس 19:4
- 13 عورد س-ما-يفتون زوند نوقت نغد عورغ اس-كن-د-يفرا، والايتي س-يدامن عزانين ن-لماسيځ زوند عيدامن ن-يان-ولقاغ عيغوسن بلا لعيب. 1 بطروس 19-18:1
- 14 راد-ماغن د-ولقاغ، والايتي را-تن-ينرو-ولقاغ نئا د-مدن-نس لي-مي-يفرا... اشكو عيگا نئا انمغور ن-ينمغور، عيگ اكلد ن-يكلدان. انورزم 14:17
- 15 عيممر ستيفانوس س-لباراكا ن-رښي... ار-ديدسن-يساوال س-تحكيمة عيگوتن غمكللي اس-يمالا روح لقودوس، ايلغ عور-ژضاران ات-نرون س-يواليون. 10:8:6 عيرقاسن
- 16 مايد ناولن عولا مايد سكارن، عيغ-يگا وين بنادم را-يضر. والايتي عيغ-يگا وين رښي، عور-را-تيرضارم ات-ن-تروم. 39-38:5 عيرقاسن
- 17 ف-وگجدي اف-ينرا لماسيځ سولطات د-لقوات ن-يگنون، عيگيس-اسنت عيمقلاد-نسنت، عيمل اي-كولو مدن عيس-تنت-ينرا. كولوسي 15:2
- 18 ليغ نموت د-لماسيځ، نامن عيس-را-ديدس-ندر، اشكو نس عيس-ور-را-يمت لماسيځ تيس سنات-توال غيلاد غ-د-ينكر زغ-لموت. عور-سار-تضرار لموت ات-تي-تنرو. روما 9-8:6
- 19 نس مايد باهرا: رښي لي-د-يسنكرن سيدتنغ ياسوع راد-اغ-يسنكر عولا نكي د-ياسوع، ياوي-اغ ديدون س-دارس. 2 كورينټوس 14:4
- 20 ار-ديدون-يتصبار. عور-يري نئا ا-يتياوهلاك يان، والايتي عيرا كولو مدن اد-ورين فلن عيسگين-نس اخشين. 2 بطروس 9:3
- 21 ار-تفراحن لملايكا ن-رښي س-يان-ن-يفلن كولو ما-يسكار يخشن عيوري-د س-وغاراس ن-رښي. لوقا 10:15
- 22 عيرييات ا-بدا-طررح ار-تلهم س-تووري ن-يخف-نون ار-تخدما س-يفاسن-نون... غمكاد اف-را-كن-توقارن مدن... عور-را-تحتاجام يان. 1 تاسالونيكي 12-11:4
- 23 نكا-تين ار-تخدما غ-بيض عولا ازال باش اور-فلاون-نژاي ليغ ا-يوان-تبراح س-لخبار عيفولكين ن-رښي. 1 تاسالونيكي 9:2
- 24 رښي را-يبارك يان عيرفوفن عيسبر اي-لباضل ف-سييت ن-ما-س-يرا ا-يرضو رښي. 1 بطروس 19:2
- 25 اور-ترمايم تفلن ما-كن-د-يقان، والايتي سكارات زوند كولو ويلي عومين صبرن ايلغ كشم س-تمبخار لي-ف-اسن-يئا رښي. 12:6 عيبرين
- 26 عيغ-ترگام غ-اوال-ينو، س-صاحت عيمحضارن-ينو ا-را-تكم. را-تيسانم لحق، د-لحق ا-راد-اون-يفسي زغ-يسكراف. 32-31:8 يوحنا
- 27 ساوالات س-يواليون شوانين لي-را-يعاون غويلي سفليدين غ-مايلي محتاجان، اوين-اسن-د لباراكا. افسوس 29:4
- 28 يان عيجاوبن س-لمعقول، عيلا دارس ما-س-ا-يتفراح. اوال غ-تيزي-نس، منشك اس-يفولكي. 23:15 عيمرواسن
- 29 عيفكا-تي-د سيدي رښي-نو عيلس ن-يان عيتلمادن، ف-اد-يسانغ مان عيواليون س-راد-سدوسغ وانا عيرمين. 4:50 عيشاعياه
- 30 عيغ-يلا كرا عيفولكين عولا كرا-غ-يلا ما-تالغ، سوينگيمات غ-تغاوسيوين-اد. 8:4 فيليبي
- 31 اور-تاسيم تاغوفت اي-وزگا، اشكو ازگا عيرضار اي-تاغوفت-نس. تقادا-تمارا ن-غاساد بلا-دي-تزوويدم تين-وزگا. مائا 34:6



- 1 فڪات عيخف-نون غ-ڏو-فوس ن-رڻي. ضاضات عيبليس س-يرول زغ-ڳيڳون. اڪمورات-ن س-رڻي، ياکمور-د سرون...  
يعقوب 4: 7-8، 10
- 2 بڪيسات ڪوڙوڪن س-تبائڪا ن-صبر باش ا-تخدائم عي-نگراتون. اشڪو عيتيارا: «رڻي ار-يتضاضا وانا عيسيمغورن عيخف-نس،  
ار-يتباراک وانا عيڙيمڙاين عيخف-نس.  
3 ڪيڳان د-يمزوروا ار-ايڳرو، د-ڪيڳان د-يمڳورا ار-يزورور.  
4 عيما لڪنز-اد، نوسي-ت غ-تمڪيلين ن-واڪال، باش ايتبان عيزد رڻي ا-مي-تلا-تحڪيمت-اد عيتجهدن عورد نڪني.  
5 لحق اراد-اون-ينغ، وانا عور-يرين ا-يڪشم س-تگلدت ن-رڻي زوند اڙاو عيمڙين عور-راس-سرس-يڪشم.  
6 اور-تسقلالقام تاروا-نون، والايتي ربات-تن س-ولمود ن-سيديتغ ار-اسن-تمالام مامنڪ اس-سرس-سڪارن.  
7 واراوا مڙنين، سڪارات-بدا س-واوال ن-ايت-دارون، اشڪو عيرضا رڻي س-ماياد. عيما ڪوئي ايد-باباتسن، اور-بدا-تڙيم  
تاروا-نون، باش اور-غووضن غالن عيس-ور-ڳين يات.  
8 عيما نڪني عور-ڳينغ-تلي روح ن-ڏونيت-اد، والايتي عيلا ڳينغ روح لي-اغ-د-يوزن رڻي... نڪني، لان ڳينغ عيسوينڳيمن ن-لماسيح.  
9 نڪي ڳينغ ڏاليت، نڪم ڪوئي تيصطوين. وانا ڳيڳي عيزڳان زڳاغ ڳيس، نٿان ار-يسڪار لغلت عيڳوتن. عيغ-ڳيڳي-ور-تڙڳام  
عور-را-تيوضارم عي-يات.  
10 رڻي عيستي غويلي دار ما-يدروسن غ-ڏونيت اد-دارسن-يڳاٽ ليمان، ڪشمن س-لورت ن-تگلدت.  
11 عيوغاغ دارسن تانسوين-نسن، عولا عيڳضاض ن-يڳنوان دارسن عوسودن-نسن، عيما يوس ن-بنادم عور-دارس مانغ ايسراس  
اڳاڻو-نس.  
12 س-تحڪيمت-نس عيتجهدن اس-اغ-د-يفڪا رڻي ڪوڙو ما-نحتاجا باش اندر غ-ڏونيت ار-ت-نترضو.  
13 را-تشت لغلت ن-تووري ن-يفاسن-نڪ تفرحت تشيعت لخير.  
14 عيلا فلاس ا-يگر غ-ڪرا ن-تووري، عيخدم س-يفاسن-نس غ-ڪرا عيشوان، باش ا-دارس-ييلي ما-ياڳا عي-ويلي عور-دار يات.  
15 ليغ-د-نڪشم ڏونيت-اد عور-د-نيوي يات. عيغ-را-ست-نفوغ عور-را-ناوي يات. والايتي عيغ-دارنغ ما-نشئا د-مالسا نقنعو س-مايان.  
16 س-صاحت، راد-سونفون نني زغ-ونهاتاف-نسن، اوين ديدسن لحساب ن-ڪوڙو ماد-سڪارن عيفولڪي.  
17 تاويات-ست غ-يخف-نون ا-تسڪارم ما-ف-راد-اڳان ڪوڙو مدن توڳا ن-يس-يفولڪي.  
18 ار-يئني لحق س-تيت ن-وول-نس، د-ور-ا-يتادج تارڳيمت ا-تڪ عينفورن-نس... عيزڳا بدا غ-واوال-نس، عيقاما ڳيس واخا  
غ-وزمز عيشقان.  
19 لماسيح، يات-توال ا-يموت ف-سيت ن-ڏنوب، عيمت غوالي عيفولڪين ف-سيت ن-ويلي اُخشين، باش اد-اغ-د-يرار عي-رڻي.  
20 نڪين ا-يڳان امڪسا عيفولڪين. امڪسا عيفولڪين ا-يتمتاتن ف-وولي.  
21 ڪيغ-تين مونغ، والايتي ها-تي درغ غيلاد عولا ڪوڙو مايد-د-يفتان. طاف تيسورا ن-لموت عولا ادغار ن-ويلي موتين.  
22 نڪين ا-يڳان تانڪرا عولا تودرت. وانا سري يومن، واخا عيموت سول عيدر. عيما وانا عيدر يامن سري، عور-را-سار-يمت.  
يس-تومت مايدا؟  
23 ڳوتنت-تحنوا غ-تگمي ن-بابا... راد-دوغ اد-اون-ين-جوجادغ ادغار.  
24 س-لامر عيتجهدن... اس-را-د-يڳوز سيديتغ زغ-يڳتا، نڪرن-د مدن ن-لماسيح لي-موتين، نني ار-يزورور.  
25 را-يتوت نڦار نڪرن-د غويلي موتين ف-اد-ڏرن س-تودرت عيدومن... عيقان-د ذات-اد عيتمتاتن ا-تياوبدال س-ما-راد-بدا-يدر.  
26 غمڪاد اس-اغ-يبارڪ غيلاد غ-د-يوشڪا-ونج-نغ لماسيح ياسوع، عينرو لقوا ن-لموت عيسباين-اغ-د-لخبار عيفولڪين  
ن-تودرت عيدومن.  
27 عيغ-درغ، لماسيح ا-يڳان تودرت-ينو. عيغ-مونغ، راد-تي-ييلي ما-يوفن تودرت-اد.  
28 عينييات ڪوئي ما-يفولڪين غ-دار رڻي، عيزد ا-نسڪار س-واوال-نون نغ س-واوال ن-رڻي؟ اشڪو عور-نڙضار ا-نفسا ف-ما-نڙرا  
عولا ما-مي-نسفلد.  
29 راد-اک-ملغ اغاراس لي-ڪ-يد-يقان، عينيغ-اک عولا مامنڪ ا-ڳيس-تفتوت.  
30 غ-تنوڪموت ان-اد-غران عي-سدي رڻي، هاتي عيجنجم-تن زغ-تاغوفت-نسن.



- 1 ربي عيستي مايلي عيگان انوفل دار ايت-دُونيت-اد، باش ايشحشم غويلي عيتنين عيس-دارسن لعافل. عيستي ما-يضعفن دار ايت-دُونيت-اد باش ايشحشم غويلي دوسنين.
- 2 راد-سکرغ يان لعهد ن-لجديد د-مدن-ينو... ران-کغ تينبازين-ينو غ-يخفاون-نسن، ارغ-تنت ف-وولاون-نسن.
- 3 وانا-د-يلولن تالليت ن-لجديد زغ-دار ربي، عور-ايسکار دتوب، اشکو ربي عيژا کيس امود-نس.
- 4 اور-تسکارم زوند مدن ن-دُونيت-اد، والايني ادجات ربي اکن-يرار اکنم لجديد، عيبدل کولو تينبازين ن-لعافل-نون.
- 5 اس ف-واسن ار-بي-د-يسفاق زیک زيک، اد-سفلدغ عي-ما-بي-د-يسلماد. سیدی ربي-نو عيرژم عيمزگان-ينو. عور-ت-عصبغ عولا کلبغ تيغوردين.
- 6 عيناغ-د-مون سين نغد کراض س-يسم-ينو، راد-يلبغ نکي غ-واماس-نسن.
- 7 اور-تيکساضت ا-تاوورت عيمزين. عيفرح ربي باباتون اد-اون-يفک تاگلدیت-نس.
- 8 عینوکما عيمي لي-يتاوين س-تودرت، عيشقو-وغاراس-نس، عیدروس ما-ت-يتافان.
- 9 اشکو عيبليس لي-يحقامن دُونيت-اد عيسبوکض لعافل-نسن اور-ژرن تيفاتون ن-لخبار ن-لمجد ن-لماسيح لي-يگان صورت ن-ربي.
- 10 عور-يضرار يان ا-ينجم زغ-لهالاک ابلا سرس نتان، اشکو عور-يلي غ-دو عيگنوان کرا ن-يسم ياضني عيفکات ربي ما-س-ا-ينجم بنادم.
- 11 عور-تکيم وين عيخف-نون، اشکو نتان اکن-يسغان، عيفک فلاون اتيک-نون.
- 12 دوات غيلاد س-کرايگات تامازيرت، ترام مدن اد-کن عيمحضارن-ينو، تسدمن-تن غ-وامان س-يسم ن-بابا د-يوس د-روح لقودوس، ار-تن-تسلمادم اد-سکارن کولو ما-ف-کن-وصاغ.
- 13 منشک اس-تفولکي-تواد ن-والي-د-يقتان ف-يدران، ياسي-د-لخبار عيفولکين، ار-يتيراج ف-سلامت، ياي-د-اول عيسهنان.
- 14 را-تعمرم س-تحکيمت عيتجهدن غاکود نا-د-فلاون-يگوز روح لقودوس. را-فلا-تاکام توکا غ-وروشاليم عولا کولو تامازيرت ن-يودايا عولا ساميرا ار-تيميزار اگوکنين ن-دُونيت.
- 15 ار-نتضالاب ربي ف-سييت-نون... ار-ت-نتضالاب اد-اون-يسباين کولو ما-کيگن-يتيري س-تواسنا عولا تاحکيمت لي-راد-اون-يمالا روح لقودوس.
- 16 عيما اعوين ات-يگان د-روح لقودوس لي-راد-اون-د-يازن بابا س-يسم-ينو، نتان ارا-کن-يسلماد ف-کرايگات کرا عيسکتني-اون-د-کولو ماد-اون-تيغ.
- 17 فرحن باهرا... زايدن عيلما اس ف-واسن ار-سلمادن غ-تکمي ن-ربي عولا غ-تکما ن-مدن، ار-تيراحن س-لخبار عيفولکين ن-ياسوع. عيرقاس 41:5-42
- 18 فرحات ليغ تکشم د-لماسيح غ-ترفوفنت، باش ا-تفرحم س-وگار غاکود ليغ را-د-بيان لماجد-نس عي-کولو مدن.
- 19 عيما نکني ار-نتقل س-مايلي-س-اغ-يتا ربي، ار-ن-نترجو عيگان ن-لجديد د-واکان ن-لجديد، عمرن س-کولو ما-يرضان ربي.
- 20 عور-را-ييلي ما-يسياکاسن عولا ما-يتهلاکن غ-کولو اورير-ينو امزلاي، اشکو را-تعمر دُونيت س-تواسنا ن-سیدی ربي غمکلي د-لن-وامان عيمدوان.
- 21 عور-سول-را-تيلي لموت عولا تاخوذي عولا تيغوويا عولا اطان، اشکو دُونيت تافديمت عور-سول-تقما.
- 22 عور-سار-تن-ينغي لاژ عولا عيريفي. عور-سار-تن-توت تافوکت عولا عيجاوان... راد-اسن-يسفيض ربي کولو عيمطاون-نسن.
- 23 لغات سیدی ربي ا-کوني لي-يفوگا، عيگس-کن-د-ع-لهالاک عيگ-کن غ-لامان.
- 24 س-تحکيمت-نس عيتجهدن اس-ا-کن-يستال کوتي لي-سرس-ومنين، ارد تنجم س-وجنجم عيکملن لي-راد-اون-ييلي غ-يسیگرا ن-دُونيت.
- 25 عيوغ-اون-د-لخبار عيفولکين ف-لفرح عيگوتن لي-را-ييلي عي-کولو-مدن، اشکو غاشاد غ-تمدينت ن-داود عيلول-اون-د-ونجم لي-يگان لماسيح سيدتنغ.
- 26 هاتي عيفل-ن کولو ماد-دارس-يلان، عيوربي عيگ زوند عيسمگ، عيلول غ-صورت ن-بنادم.
- 27 کوزغ-د-زغ-يگنا باش اد-سکارغ ما-يرا غوالي-بي-د-يوزن، عورد ماد-ريغ نکي.
- 28 يوشکا-د-س-دُونيت، د-سرس اس-تياوخلاق دُونيت، والايني عور-ت-وگزن ايت-دُونيت.
- 29 غاياد اف-يتوت لحوکم، اشکو تکشم-د-تيفاتون س-دُونيت عيرين مدن تيلاس عوگار ن-تيفاتون، ميارن اد-سکارن لخشانت.
- 30 را-تيراحم غ-کولو دُونيت س-لخبار عيفولکين ن-تکلدیت ن-يگنا ارد لکمنت توکا-نون کرايگات تامازيرت.
- 31 ار-ن-فالغ ما-يلان غ-تغوردين، ار-تيدوغ س-ما-يلان غ-لگدام. ار-تازالغ اد-روحغ تمي، باش اد-امثغ لکاس لي-يگان تودرت ن-وفلا.